



Komuna e Vushtrrisë

REPublika e Kosovës - REPUBLIKA KOSOVO  
KOMUNA E VUSHTRRISE-OPŠTINA VUŠITRN  
02 Nr. / Br 154 / 18  
Nr. i fq. / Br. sht  
Data: / Datum 05.02.2018  
VUSHTRRI - VUŠITRN



Islamic Relief – Kosova

**Marrëveshje bashkëpunimi  
ndërmjet  
Islamic Relief Word Wide - Zyra në Kosovë (IRW)  
dhe  
Komuna e Vushtrrisë (Komuna)**

Për realizim të projektit humanitar përmes së cilës përcaktohen kushtet mes **Islamic Relief World Wide zyra në Kosovë (IRW) dhe Komuna e Vushtrrisë (Komuna)** në lidhje me bashkimin e mjeteve/fondeve për projektin **“Kujdesi shtëpiak për lehonat, personat e moshës së tretë dhe me aftësi të kufizuara”** që është pjesë e projektit të IRW me pin kod numër **020\_002577** i përkrahur nga zyra e Islamic Relief në Zvicër.

**Neni 1.**

**Qëllimi i Marrëveshjes**

1.1 Qëllimi i kësaj marrëveshjeje është të përcaktojë formën e bashkëpunimit mes IRW dhe Komunës me qëllim të implementimit dhe finalizimit të projektit që ka për qëllim ofrimin e shërbimeve shëndetësore me rastin e vizitave mjekësore nga ana e stafit shëndetësor, pa pagesë për të gjithë banorët e Komunës, me fokus në vizita në shtëpitë e tyre të lehonave dhe foshnjave, personave me aftësi të kufizuara, personave me sëmundje kronike si dhe personave të moshës së shtyrë me pin kod **020\_002577** që implementohet nga ana e IRW.

1.2 Përfitues nga ky projekt do të jenë të gjithë banorët e Komunës së Vushtrrisë që llogaritet të jenë rreth 70,000 banorë. Prej tyre përfitues direkt përafërsisht llogaritet të jenë :

- 1100 gra lehona dhe 1100 foshnje
- 5000 presona të moshës së tretë gra dhe bura
- 500 persona me aftësi të kufizuara
- 400 persona me sëmundje kronike

**Neni 2.**

**Përshkrimi i projektit**

2.1. Menaxhues i projektit është IRW në bashkëpunim me QKMF – Vushtrri, dhe participimi i komunës do të bëhet me anë të transferit të mjeteve të komunës në llogarinë bankare të IRW, pas dëshmive të faturuara të shpenzimeve dhe raportit të shërbimeve të ofruara për çdo muaj.

2.2. Procedurat e selektimit të mjekëve dhe infermierëve të cilët do të angazhohen për punë në teren do të organizohet nga IRW me komision për selektim të kandidatëve në të cilin komision marrin pjesë dy persona të deleguar nga IRW dhe një person i deleguar nga Komuna. Emrat e personave do të caktohen me anë të letërkëmbimit me postë elektronike (e-mail) nga palët.

2.1.1

2.3. Monitorimin, organizimin si dhe raportimin për kuantitetin si dhe kualitetin e shërbimeve ta bëjë koordinatori/mbikëqyrësi i projektit i cili do të jetë në bashkëpunim të rregullt me Qendrën Kryesore të Mjekësisë Familjare në Komunë.

### **Neni 3. Obligimet e palëve**

#### **3.1. Participimi financiar i IRW-së**

3.1.1. Në kuadër të projektit me pin kod **020\_002577**, IRW do të sigurojë pjesën e fondeve në vlerë prej € 45,570.00 (dyzet e pesë mijë e pesëqind e shtatëdhjetë euro) ose 65% të vlerës totale për implementim të këtij projekti ashtu si është paraqitur në 'Shtojca A' të kësaj Marrëveshje.

#### **3.2. Participimi financiar i Komunës**

3.2.1. Në kuadër të buxhetit komunal Komuna do të participojë me kontribut financiar në shumën prej € 25,000.00 (njëzetë e pesë mijë euro) ose 35% të vlerës totale për implementim të këtij projekti ashtu si është paraqitur në 'Shtojca A' të kësaj Marrëveshje.

3.2.2. Total vlera e projektit është € 70,570.00 (shtatëdhjetë mijë e pesëqind e shtatëdhjetë euro) derisa shpenzimet për shërbime do të bëhen sipas zërave që janë paraqitur në 'Shtojca A' të kësaj Marrëveshje.

3.2.3. Komuna e Vushtrrisë, përmes QKMF-së menaxhon me kuadrin profesional të angazhuar si pjesë e projektit dhe vendos për mënyrën apo vendin e dhënies së shërbimeve në pajtim me 'shtojcën B'.

### **Neni 4. Përgjegjësitë e palëve**

4.1. Është e kuptueshme nga të dyja palët nënshkruese të kësaj marrëveshjeje që çdo palë duhet të jetë e aftë për të përmbushur përgjegjësitë sipas kësaj marrëveshjeje. Nëse në çdo kohë Komuna nuk është në gjendje të kryejë funksionet e saj sipas kësaj Marrëveshjeje, menjëherë do të njoftojë Menaxherin e Programit për Kosovë të IRW si dhe e kundërta.

4.2 Të dyja palët bien dakord për të emëruar koordinatorët për zbatimin e suksesshëm të kësaj marrëveshjeje.

4.3 Koordinatorët do të jenë përgjegjës për rolet e institucionit të tyre dhe për të siguruar zbatimin e suksesshëm të dispozitave të kësaj marrëveshjeje.

4.4. Personi kontaktues i caktuar nga Komuna pranon të jetë përgjegjës për zhvillimin dhe implementimin e kësaj marrëveshjeje si dhe personi kontaktues i caktuar nga IRW pranon të jetë përgjegjës për zhvillimin dhe implementimin e kësaj marrëveshjeje.

f.d

## Neni 5.

### Numri dhe astete e angazhuara në projekt

5.1. Numri i profesionistëve shëndetësor dhe teknik që do të angazhohen në projekt me qëllim të realizimit të sukseshëm të dhënies së shërbimeve shëndetësore është së paku 12 (dymbëdhjetë) persona, prej tyre:

- 4 (katër) mjek të përgjithshëm me orar të plotë pune dhe
- 8 (tetë) infermierë me gjysmë orari pune

5.2. Në rast të mos plotësimit të numrit me mjek të përgjithshëm, zëvendësimi bëhet me staf infermierik.

5.3 Për dhënien e shërbimeve në teren nga mjetet e projektit do të blihet një automjet dhe do t'i dhurohet komunës derisa këtë automjet komuna do t'ia jep në shfrytëzim për nevoja të projektit QKMF-së.

## Neni 6.

### Koordinatorët

#### 6.1. Koordinator për IRW

Emri: Albulena Gashi

Adresa: rr. Bajram Kelmendi, No. 10/A,  
Prishtinë, Republika e Kosovës

Zyra Telefon: 038 232 431

e-mail: [albulena.gashi@ir-rks.org](mailto:albulena.gashi@ir-rks.org)

#### 6.2. Koordinator për Komunë ,

Emri: Fisnik Kamberi

Adresa : QKMF – Vushtri

Telefoni : 044 235 294

Tel/Fax: 028 571 411

e-mail: [fnikkamberi@hotmail.com](mailto:fnikkamberi@hotmail.com)

2.9

**Neni 7.**  
**Gjuha zyrtare e Marrëveshjes**

7.1 Gjuha që mbizotëron në këtë marrëveshje është versioni në gjuhën shqipe.

**Neni 8.**  
**Kohëzgjatja e marrëveshjes**

8.1 Kjo Marrëveshje hyn në fuqi pas nënshkrimit të Menaxherit të Programit për Kosovë të Islamic Relief World Wide Zyra në Kosovë dhe kryetarit të Komunës së Vushtrrisë, dhe do të vazhdojë deri më 31 Dhjetor 2018 ku pritet edhe të përfundojë realizimi i projektit.

**Neni 9**  
**Mosmarrëveshjet**

9.1 Në rast të ngecjeve të realizimit të projektit palët pajtohen që të bëjnë ndryshimin e kësaj marrëveshjeje për një periudhë tjetër me një aneks të ri të kësaj marrëveshjeje me shkrim dhe të nënshkruar nga të dyja palët.

Islamic Relief Worldwide - Kosovo Office (IRW)

\_\_\_\_\_  
Ramadan Berisha

IRW Country Program Manager




Data/ Date:

05.02.2018

Komuna e Vushtrrisë

\_\_\_\_\_  
Xhafer Tahiri

Kryetar



Data/Date:

05/02/2018

SHTOJCA A

Përkujdesi shtëpiak për lehona dhe foshnjët, persona të moshës së shtyer, personat me sëmundje kronike dhe persona me nevoja të veçanta - 2018

Aktiviteti	Njësi/ muaji	Çmim në njësi/muaj	Kosto finale	%
Dhënia e shërbimve shëndetësore nga mjek për qytetarët e komunës	10	€ 2,500.00	€ 25,000.00	35.4%
Shërbime infermierike	10	€ 1,700.00	€ 17,000.00	24.1%
Shërbime për koordinim/mbikëqyrje të projektit	10	€ 700.00	€ 7,000.00	9.9%
Mirëmbajtja e veturës	3	€ 400.00	€ 1,200.00	1.7%
Material i zyrës	4	€ 100.00	€ 400.00	0.6%
Internet	10	€ 20.00	€ 200.00	0.3%
Telekomunikim	10	€ 15.00	€ 150.00	0.2%
Blerja e veturës	1	€ 10,000.00	€ 10,000.00	14.2%
Asete për nevoja të projektit jo-kapitale	2	€ 100.00	€ 200.00	0.3%
Kostoja e udhëtimit	10	€ 160.00	€ 1,600.00	2.3%
Barëra dhe material shpenzues	10	€ 372.00	€ 3,720.00	5.3%
Monitorimi	3	€ 60.00	€ 180.00	0.3%
Other IRW cost/kosto të tjera irw (financa, admin)	1	€ 3,920.00	€ 3,920.00	5.6%
<b>Kosto totale:</b>			<b>€ 70,570.00</b>	<b>100%</b>

R.D

## Shtojca B

### 1. GRATË SHTATËZËNA DHE LEHONA

**1.1. Kujdes Antenatal** - Përcaktim i shtatzënisë, përcjellja e shëndetit të gruas dhe zhvillimi i frytit. Kujdesi për një stil sa më të mirë të jetës, njoftimi i shtatzënës për shenjat e rrezikshme me qëllim të ofrimit të ndihmës adekuate. Parandalimi i abortit dhe lindjes së parakohshme.

**1.2. Kujdes Postnatal** - Ka për qëllim të siguroj një shëndet dhe mirëqenie sa më të mirë për lehonën dhe të porsalindurin. Kujdesi për lehonën dhe mënjanimi i komplikimeve të pas lindjes përfshirë kontrollin e ndonjë infeksioni të mundshëm, depresionin postnatal si dhe hemorragjitë. Kujdesi në përgjithësi i shëndetit të nënës dhe fëmijës. Metodatat dhe mjetet e planifikimit familjare.

**1.3. Kujdesi për të porsalindurin** - Adaptimi në jetën ekstrauterinë, fillimi i hershem i gji dhënies, profillaksa e të porsalindurit, monitorimi i rritjes dhe zhvillimi i të porsalindurit, Njoftimi i të gjitha shtatzënave dhe lehonave për rëndësinë e ushqyeshmëris me qumësht të gjirit. Rëndësia e ushqyerjes ekskluzive në gjashtë muajt e parë të foshnjërisë. Të njoftohen të gjitha nënat për kohën dhe llojet e ushqimeve plotësuese adekuate. Zbulimi i ndonjë anomalie apo ngecje në zhvillim tek fëmijët.

### 2. KËSHILLIMI I GRAVE RRETHE MENOPAUZES

Të njoftohen të gjitha gratë me ndryshimet që ndodhen në moshën e pre menopauzës, menopauzës dhe pas menopauzës.

### 3. MOSHA E TRETË MBI MOSHEN 65 VJET

Zbulimi me kohë i sëmundjeve kronike dhe paaftësive të ndryshme. Adaptimi me moshën e tranzicionit dhe monitorimin e shenjave vitale.

### 4. PERSONAT ME AFTËSI TË KUFIZUARA

Përkrahja morale dhe emocionale, ndihma me mjetet e nevojshme p.sh. karroca për personat me paaftësi në lëvizje, llojet e patericave, këshillimi i familjes lidhur me kujdesin ndaj këtyre personave, ushqimi adekuat, higjienën dhe lëvizshmërinë e tyre për parandalimin e dekubitusit. Ofrimi i të gjitha shërbimeve të nevojshme p.sh. monitorimi i shenjave vitale, vlerat e glikemisë, aplikimi i terapisë së nevojshme medikamentoze. Për fëmijët me nevoja të veçanta, shfrytëzimi i potencialeve dhe aftësimi i tyre për vete kujdes. Zhvillimi i aftësive profesionale tek kjo kategori e fëmijëve, përfshirja e tyre në shkollat e rregullta, ndërsa ata ma pa aftësi me të rënda në shkolla special.

### 5. PERSONAT ME SËMUNDJE KRONIKE

Personat e kësaj kategorie kërkojnë kujdes dhe vëmendje të posaçme. Personat me sëmundje kronike p.sh. diabet kanë nevojë për këshillim rreth dietës monitorimet e vlerave të glikemisë, marrjes së terapisë me rregull dhe stilit të shëndetshëm të jetës me qëllim të parandalimit të komplikimeve më të shpeshta siç janë: neropati diabetike, retinopati, nefropati dhe kujdesi për shputë me qëllim të parandalimit të ulqerës diabetike.

Personat me HTA-këshillimi i këtyre personave për stil të shëndetshëm të jetës, zvogëlimi i përdorimit të kripës, aktivitetet e shtuara fizike, shmangia e pirjes së duhanit dhe alkoolit, evitimi i stresit. Monitorimi i rregullt i vlerave të TA si dhe përdorimi i rregullt i medikamenteve të përkshkruara nga mjeku.

### 6. PERSONAT ME SËMUNDJE MALINJE

Këta persona kanë nevojë në mbështetjen e personelit shëndetësor në çdo aspekt qoftë në mbështetje emocionale morale dhe ndihmë profesionale. Personeli shëndetësor duhet të jetë në dispozicion në çdo kohë kur këta persona kanë nevojë.

### 7. DHËNJIA E NDIHMËS MJEKËSORE NË AKSIDENTE

Dhënia e ndihmës së parë të lënduarve në aksidentet në komunikacion dhe aksidente tjera dhe përcjellja e të lënduarve deri në institucionin shëndetësor.